



UPDATER

CITY AGRICULTURE OFFICE

Dako na gyud ang kabag ohan og kalamboan sa pag uma og humay karon sa mga Bisliganon tungod sa mga bag-ong pasilidad og teknolohiya. Gani, niadtong Mayo 26, 2020 gisulayan pagamit ang bag-o lang namontar nga Mechanical Rice Dryer nga anaa mahimutang sa Baucawe, San isidro, Bislig City og gidumalaan sa Baucawe Community Farmers Irrigators Association (BCFIA). Kini nga pasilidad adunay kapasidad nga mouga og 6 ka tonelada nga humay matag adlaw. Ang maong proyekto nagikan sa Department of Agriculture pinaagi sa Philippine Mechanization kon PhilMech uban ang suporta sa Lokal nga Panggamhanan sa Bislig. Naglaom ang mga maguuma nga sulod niining tuiga sento porsyento na nga mapahimuslan ang maong proyekto.

“MGA BAG-ONG PASILIDAD OG MAKINARYAS SA MGA MAG-UUMAG HUMAY NAPAHIMUSLAN NA”



Sa laing bahin, mas napadali na ang pag ani og humay sa mga mag uuma human nagamit na nila ang bag-ong Rice Harvester gikan sa Department of Agriculture nga nadawat bulan sa Oktubre niadtong miaging tuig. Ang maong makinaryas naa sa kostodia sa Western Visayas Agro-Industrial Cooperative (WEVAICO). Sa kasamtangan, gilantaw sa mga mag uuma nga mamahimong mabungahon ang mga bag-ong lakang sa gobyerno para sa agrikultura.

Production Team:

Layout Artist:

Adviser:

*Nell Anthony G. Jamora - Head
City Agriculture Office Personnel*

Erroll Lib M. Honor

*Alice D. Millan
Acting City Agriculturist*



CONTACT US

09516521492

agribislig@gmail.com



"MGA BALAODNONG PANGDAGAT HUGOT NGA GIPATUMAN SA ATONG SIYUDAD"

Gipanghingusgan karon sa atong siyudad ang pagpatuman sa RA 10654 og City Ordinance no.2019-15 og ordinance no.93-04 diin gina bantayan ang tanang mga kalihokan sa kadagatan. Gani, anaa nay 50 kapin ka mga mananagat ang giwarningan og 11 ka indibidwal nga gisikop tungod sa pag gamit og illegal nga panagat. Lakip sa mga gidili nga panagat ang mosunod: trammel net or triple net, compressor(boso), troll og tanang klase sa panagat sulod sa Marine Protected Area (fish sanctuary). Uban sa bantay dagat sa siyudad miduyog usab ang Philippine National Police (PNP) og Phil. Coast Guard sa maong kalihokan. Tumong niini nga programa nga maproteksyonan og mapreserbar ang kinaiyahan, arun magpabilin nga himsog og mapuslanon ang kadagatan hangtod sa sunod nga henerasyon sa mga Bisliganon.





"DUGANG PANGINABUHAN SA MGA MANANAGAT SA BRGY. SAN FERNANDO"



Niadtong Mayo 28, 2020 nadawat sa San Fernando Fishermen Association (SaFFiA) ang tres(3) mil ka bangus fingerlings para sa ilang dugang nga panginabuhian. Kini nga programa gikan sa Bureau of Fisheries and Aquatic Resources (BFAR) ilalom sa Fish CORAL Aquaculture Livelihood Project. Apil sab sa maong proyekto ang pagkaon para sa buhing bangus. Ang maong panginabuhian hugot nga gisuportahan sa buhatan sa City Agriculture.

SaFFiA

San Fernando Fishermen's Association



"COOPERATIVE ORIENTATION GIPAHIGAYON SA MGA MAG- UUMA OG MANANAGAT"

Mayo 14 niining tuiga gipahigayon ang pagpahibalo mahitungod sa Kooperatiba (Cooperative Orientation) sa Brgy. Pamanlinan Bislig City. Ang maong pakighisgutay gipangunahan sa City Cooperative Development Office og City Agriculture Office, kauban ang Mangangoy Fishermen Multi-Purpose Cooperative (MAFISCO) Manager, Mr. Garrido og si Mr. Esmeraldo A. Odtohan, Assistant Provincial Agriculturist. Anaa sa 20 ka mananagat og mag-uuma ang mitambong og nagpadayag og kadasig sa pag apil sa maong institusyon. Nasuta sab sa mga mitambong nga dako ang mamahimong katabang sa ilang panginabuhian kung membro sila sa usa ka kooperatiba.



AGRIBISLIG

CITY AGRICULTURE OFFICE - BISLIG



facebook.com/agribislig
facebook.com/FITSCENTERBislig



National Highway, City Hall Compound
Poblacion, Bislig City, Surigao del Sur